



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fvldensivm Antiqvitatvm Libri IIII.

Brouwer, Christoph

Antverpiæ, 1612

Cap. II. Basilica ab Aegile Abbate exstructa.

urn:nbn:de:hbz:466:1-39712

Id verò nomen, vtique suis in epistolis non semel S. Bonifacius,
sed productiūs usurpauit, Leobgytham, vt h̄c Candidus, ap-
pellitans; quam XXXI. epistolâ, præclaro elogio, *venerandam
Christi famulam, & charitate sincerissimâ perpetuum complecten-
dam*, salutat. Et, quia in Angliâ Tertam Winbrunnensis Par-
thenonis Antistitiam, S. Liobæ educatricem fuisse, ex Rudul-
pho constat, à cuius etiam gremio virginem hanc S. Bonifacius c. 10.
abstraxit, iterum iam moneo, epistolam XXV. prorsus videri non
Teclæ, Beddæ, Dedæ, similique lectionum varietate, sed Leob-
gythæ, & huic Tertæ, vnius aliquando monasterij alumnis, in-
scribendam. Neque nescij tamen sumus Teclam virginem c. 17.
consanguineam Liobæ hæsisse, in Bischofesheimio Germaniæ
Partheneio: quæ si in epistolâ hac intelligitur, ratio vix occur-
rit idonea, cur ei Antistes Lioba postponatur.

C A P V T I I.

*De Basilicâ ab Aegile Abbe exstructâ
vel absolutâ.*

NO B I L I S decore & operis famâ ædes exstitit illa, quæ,
Aegile Abbe, magnis impensis surrexit; in quâ celeri-
tatem cum magnificentiâ certasse dixerim, si vnius anni curri-
culo tanta moles excitata fuit. non enim plus temporis inter
Aegilis electionem & basilicæ dedicationem interfluxit. sed
non pauca occurrabant, cur iam inde à Sturmionis obitu, Bau-
golfi & Ratharij quoque studia h̄c interuenisse, coniicerem:
nunc etiam ex vetustis Abbatum actis pro comperto tradam;
cùm Baugulfum lego, Orientale templum fabrè struxisse, Rat-
garium vero, ritu sapientis architecti, illud, Occidentali adiecto,
immensâ magnitudine & arte, cumulasse; ac denique, hanc
cum illâ copulando, vnam fecisse ecclesiam. Accurâtè à Fran-
corum scriptoribus, huius basilicæ origo publicis monumen-
tis annotata. Neque Candidus abnuit, quin Aegil Abbas mox,
vt potuit, ad operis perpolitionem aggressus sit. Eius h̄c nar-
rationem, vt alias s̄pē, proponam: *Non multo posthæc, ait, temporis Aegilis Ab-
bas opera.*

O s̄iae

sic mundare loca; pauimenta quoque refundi constituit. Altaria nibilominus locis congruis fieri demandauit, in summo lapidibus cooperta politis. In eadem verò Ecclesia, duas cryptas magnifico opere conlocauit; unam, quae respicit solis ortum; alteram, quae solis occasum intendit. Prodidit & Candidus architectum operis Rahcholfum fuisse, monachum Fulensem; ait enim in versuum codice, perfectum & absolutum opus,

— *Rahcholfo dictante magistro*

*Et monacho, fratrumque simul sine felle ministro:
qui, Arcubus atque interpositis hinc inde columnis,
Binas magnificè erexit pulchro ordine cryptas;
Quarum prima quidem spectans intendit Eoum
Ternis luminibus.* —

*Altaria ex-
structa super
cryptas.*

*Spelaeum &
antrum pro
cryptis.*

Porrò super fornicum conuexo, locatas aras in propatulo, sic meminit:

*Nec minùs hoc spelaeum capit is in vertice gestat
Altare, sanctus, quod iam sub tempore prisco
Consecrat ipse suo Bonifacius Omnipotenti.*

Hinc ad Occidentalem cryptam transiens:

*In parte Occiduâ constructum cernitur antrum,
Multum diues ope interiùs, spoliisque piorum;
Ternis prospiciens fixis post terga fenestris, &c.
Hoc summo in capite duris præ viribus aram
Fortiter insistens, pedibus nam sustinet, in qua
Christi Martyris eximij nunc membra locata,
Cum sociis quoque sacra manent sine fine beatis.*

*Crucis for-
ma templum
exstructum.*

*Baronius ob-
seruat. ad 18.
Nouemb.
Martyrolog.
Rom.
Reliquia cor-
so loco exposi-
te.*

Ceterū, quia ex operis orthographiâ, quam nobis Rhabani inscriptiones reliquerunt, satis constat basilicam hanc, uti adhuc apparet, fuisse crucis in morem fabricatam, colligitur profectò, non uno breuique tempore, sed operam quoque nauantibus, ut dixi, antegressis Abbatibus, tandem fuisse perpolitam. Enim uero transuersaria moles, quæ templi longitudinem ab Aquilone in Austrum medianam intersecuit, illa quidem eximio splendore, cum cellis altarium & absidis recipiendo lumini ad imum à summo comparata fuit; habuitque vestibula utrimq. à Meridie & Septentrione, & angustos aditus, in quibus, more quoque maiorum, expositæ ad cultum Sanctorum reliquiae.

Quia

Quia verò temporum ac hominum casibus, huius basilicæ facies plurimùm abolita, non desunt, qui ideam operis, & priscum exemplar in artis fabrilis ligneâ quadam machinâ, quæ olim loco tuinbæ D. Bonifacij ossa texit, conseruatum & expressum autument; sed & etiamnum hæc arca in Odei præcipui cryptâ visitur. Quorum sententiæ vel eò non pœniteat, quòd in Hersfeldensis basilicæ iam profanatæ monumentis, arcām consimilis formæ spectare contigit, quæ ad amissim templi veteris descriptionem, vt periti narrabant, exprimeret. Sane quidquid huius sit, aditus & vestibula obseruauit Georgius Wicelius mansisse religiosa, quando monasterij veteris pomerio, interuallis tamen iustis à templo, ad singulas portas singulari quasi condidere sacraria; vt nisi per consecrata & pura loca, in templum via non pateret. Atque hinc prima porta antiquitus sortita nomen S. Petri, quæ hodie dicitur Alba: secunda ab oratorio S. Pauli, iam vulgo Pauli ianua: tertia à S. Stephano fert nomen. Ostium item, quod nuncupant Abbatis, suum olim habuisse sacellum, opinio est, sed ciuili discordiâ, quâ plurimum anno MCCCXXXI. labis & vicissitudinis allatum tectis ac locis antiquis, forsitan intercidisse. Porro, cùm disperditâ veteris huius basilicæ formâ, nullo magistro vel duce, eius situm & elegantiam adsequi difficile sit, quod huic negotio coniunctum, vel superstitis exemplaris, vt opinio fert, imaginem representemus licet.

Idea veteris templi.

*In vita Stur-
mij.
Sacella qua-
cumque ad
veteris basi-
lica plaga.*

*Oweni
riquitatem
denses.*

TV

9

O 2 CAPVT

